

An e rud math no dona a th' ann airson clann òtasamach a bhith a' cluinntinn no a' bruidhinn barrachd air aon chànan?

A bheil e a' cur clann òtasamach tro chèile a bhith a' fàs suas le barrachd air aon chànan?

Chan eil e gan cuir tro chèile.

A bheil dà-chànanachas a' dèanamh ionnsachadh gach cànan nas duilghe?

Chan eil. Dh'fhaodadh gum bi duilgheadasan aig clann òtasamach le cànan, ach 's urrainn dhaibh fhathast barrachd air aon chànan ionnsachadh. Ma dh'fhaoidte gun toir iad beagan nas fhaide, ach tha seo cumanta airson clann dà-chànanach sam bith.

Dè mu dheidhinn mura bheil mo phàiste a' bruidhinn?

Fiù 's mura bheil do phàiste a' bruidhinn, faodaidh iad fhathast barrachd air aon chànan a thuigsinn.

Ma dh'fhaoidte gu bheil e doirbh airson do phàiste a bhith a' tuigsinn cànan cuideachd, ach chan eil buaidh aig bruidhinn ri do phàiste ann am barrachd air aon chànan air an uiread a tha iad a' bruidhinn no a' tuigsinn. Cha dèan e cron air do phàiste ma tha thu a' bruidhinn riutha ann am barrachd air aon chànan.

Am bu chòir dhomh stad air mo chànan fhìn a bhruidhinn agus Beurla a bhruidhinn na àite?

Cha bu chòir, bu chòir dhut bruidhinn anns a' chànan anns a bheil thu as cofhurtaile. Tha rannsachadh a' sealltainn gu bheil seo as fheàrr airson pàrantan agus clann.

A bheil e ga dhèanamh nas duilghe airson mo phàiste ionnsachadh agus tuigsinn cùisean ma tha iad a' fàs suas le dà chànan?

Chan eil e a' dèanamh cron air sgilean smaoineachaidh agus ionnsachaidh do phàiste ma tha iad a' fàs suas le barrachd air aon chànan.

A bheil rudan matha ann mu dheidhinn a bhith a' fàs suas le barrachd air aon chànan airson mo phàiste òtasamach?

Tha iomadh rud math ann! Cuidichidh do chànan do phàiste gus càirdeas a thogail le an teaghlach agus an coimhearsnachd. Faodaidh e cuideachd a bhith fìor mhath airson am beatha san àm ri teachd. Tha eòlas air barrachd air aon chànan a' cuideachadh le bhith a' tuigsinn dhaoine, a'

faighinn an cothrom air cur-seachadan ùra, agus a' faighinn obair.



Chan e rud dona a th' ann airson clann òtasamach a bhith a' fàs suas le barrachd air aon chànan.

Faodaidh e cuideachd a bhith math airson iomadh rud ann am beatha: a bhith mar phàirt de choimhearsnachd, ag ionnsachadh rudan ùra agus barrachd chothroman fhaighinn.

Tha e cho math airson daoine òtasamach a bhith a' fàs suas le barrachd air aon chànan 's a tha e airson a h-uile duine eile.

Ma tha sibh a' taghadh a bhith a' bruidhinn sa chànan agad fhèin le do phàiste òtasamach, chan eil thu a' dèanamh sìon ceàrr.

Aon chànan no dà chànan, tagh an roghainn as fheàrr airson do theaghlach.

